



**REPUBLIKA E SHQIPËRISË**  
**KOMISIONERI PËR MBIKËQYRJEN E SHËRBIMIT CIVIL**

Nr.120/4 Prot

Tiranë, më 01.04.2019

**V E N D I M**

Nr. 21 , datë 01/04 / 2019

***“Mbi verifikimin e zbatimit të ligjshmërisë për pajisjen me aktin përfundimtar të konfirmimit me shkrim, të statusit të nëpunësit civil, në fund të periudhës së provës, të nëpunësit \*\*\*\*\*”***

Në mbështetje të kompetencave ligjore të parashikuara në pikën 1, të nenit 11, nenet 14 dhe 15, të ligjit nr. 152/2013, “Për nëpunësin civil”, i ndryshuar, të ligjit nr. 44/2015, “Kodi i Proçedurave Administrative i Republikës së Shqipërisë”, si dhe Rregullores “Mbi proçedurat e mbikëqyrjes/inspektimit”, miratuar me vendimin nr. 17, datë 11.03.2015, të Komisionerit për Mbikëqyrjen e Shërbimit Civil, pas shqyrtimit të akteve dhe materialit paraprak të përgatitur nga Drejtoria e Përgjithshme e Inspektimit dhe Mbikëqyrjes, në përfundim të verifikimit paraprak të informacionit të marrë nga kërkesa e nëpunësit \*\*\*\*\*,

**VËREJ SE:**

Nëpërmjet kërkesës së rregjistruar pranë Komisionerit për Mbikëqyrjen e Shërbimit Civil, me nr.120 prot, datë 01.02.2019, kërkuesi \*\*\*\*\* ka ngritur pretendimin se pas përfundimit të periudhës së provës, ai nuk është pajisur me aktin përfundimtar të deklarimit të statusit të nëpunësit civil, pavarësisht se është trajtuar si i tillë.

Nga verifikimi administrativ i kryer nga Komisioneri, rezultoi se, punonjësi \*\*\*\*\* , është nëpunës civil, me detyrë në pozicionin Doganier, Zyra e Skanerit, Sektori i Kontrollit të Sigurisë, Dega Doganore Durrës, Kategoria IV-a, (Kategoria C2).

Konstatohet se, në datën 20.05.2015, ai ka përfunduar me sukses programin e trajnimit të detyrueshëm për nëpunësit civil në periudhë prove, pranë shkollës së Administratës Publike (ASPA). Me plotësimin e afatit të provës, eprori direkt i tij, në datën 23.12.2015, ka kryer vlerësimin në fund të periudhës së provës, në nivelin 2 “mirë”.

Duke filluar që nga ky moment, nëpunësi \*\*\*\*\* është trajtuar si nëpunës civil i konfirmuar, duke shërbyer në periudha të ndryshme, sipas nevojave të punës, në pozicione të ndryshme të nivelit ekzekutiv në DPD

Konkretisht, me aktin e nr.5247 prot, datë 27.02.2015, të njësisë përgjegjëse, është miratuar transferimi i përkohshëm i tij, në pozicionin “*Doganier/Klasifikimi/Vlerësim Fizik*”, në zyrën e Klasifikimit të Vlerësimit të Kontrollit Fizik”, pranë Degës së Doganës Tiranë.

Me tej rezulton se punonjësi \*\*\*\*\* , me urdhërin nr.12305 prot, datë 22.05.2017, të Drejtorit të Përgjithshëm të Doganave është transferuar në detyrën “*Doganier/Klasifikim/Vlerësim Kontroll Fizik*”, Zyra e Skanerit, në Degën Doganore Durrës, Kategoria C2.

Së fundi, në zbatim të ligjit nr. 152/2013 “*Për nëpunësin civil*” i ndryshuar; Kreut II të Vendimit nr.125, datë 17.02.2016 të Këshillit të Ministrave “*Për transferimin e përkohshëm dhe të përhershëm të nëpunësve civilë*”; Vendimit nr. 921, datë 29.12.2014 të Këshillit të Ministrave “*Për personelin e administratës doganore*”, i ndryshuar, Departamenti i Administratës Publike në cilësinë e njësisë përgjegjëse, pas shqyrtimit të propozimeve të bëra nga Komisioni i Ristrukturimit të DPD-së, me aktin nr. 626/165 prot, datë 07.02.2019, ka vendosur transferimin e përhershëm të nëpunësit \*\*\*\*\* , në pozicionin “*Doganier, Zyra e Skanerit, Sektori i Kontrollit të Sigurisë*”, Dega Doganore Durrës, Kategoria IV-a, (Kategoria C2).

Nga sa u parashtrua më sipër dhe nga analiza në tërësi e dokumentacionit të administruar konstatohet se, veprimet e njësisë përgjegjëse dhe aktorëve të tjerë në këtë proces, janë kryer në përputhje me kërkesat e neneve 22-24, 48 pika 1/a, pika 2/a, si dhe nenit 56, pika 1/2, të ligjit nr.152/2013 “*Për nëpunësin civil*”, i ndryshuar dhe gjithë kohën nëpunësi \*\*\*\*\* është trajtuar si nëpunës civil i konfirmuar.

Njëkohësisht, konstatohet se eprori direkt, ka vepruar drejt kur në përfundim të periudhës së provës ka kryer vlerësimin e punës së nëpunësit, por ky veprim duhej të materializohej në aktin e konfirmimit të statusit të nëpunësit civil, si detyrim ligjor i eprorit direkt në bashkëpunim me njësinë e burimeve njerëzore dhe duhet të administrohet në dosjen personale të nëpunësit.

### **Për këto arsye:**

Në mbështetje të kompetencës së përcaktuar në nenin 11, pika 1, nenet 14 dhe 15, të ligjit nr. 152/2013, “*Për nëpunësin civil*”, i ndryshuar, në ligjin nr. 44/2015, “*Kodi i Proçedurave Administrative të Republikës së Shqipërisë*”, si dhe në nenet 16, 34 dhe 35, të Rregullores, “*Mbi proçedurat e mbikëqyrjes/inspektimit*”, miratuar me vendimin nr. 17, datë 11.03.2015, të Komisionerit për Mbikëqyrjen e Shërbimit Civil,

## VENDOSA

1. Të kërkoj nga Eprori Direkt i nëpunësit \*\*\*\*\*\*, të nxjerrë aktin e konfirmimit të statusit, në përfundim të periudhës së provës, duke finalizuar në këtë mënyrë procesin e konfirmimit të nëpunësit në shërbimin civil, dhe të administrohet në dokumentacionin e dosjes personale të këtij punonjësi, duke njoftuar për këtë veprim edhe të interesuarin.  
Njësia përgjegjëse të orientojë dhe të ndjekë përmbylljen e procesit.
2. Për kryerjen e këtij veprimi administrativ, lihet afat 10 ditë, nga marrja dijeni për këtë vendim.
3. Me kalimin e këtij afati, njësia përgjegjëse është e detyruar të njoftojë me shkrim Komisionerin për Mbikëqyrjen e Shërbimit Civil, në lidhje me zbatimin e këtij vendimi.
4. Në rast të mos respektimit të këtij vendimi, përgjegjësia do të jetë personale e subjekteve, që nuk kanë kryer detyrimin e lënë në këtë vendim dhe në zbatim të përcaktimit të pikës 2, të nenit 15, të ligjit nr. 152/2013, “Për nëpunësin civil”, të ndryshuar, Komisioneri do të vijojë procesin për rregullimin e shkeljeve të konstatuara, duke përdorur mjetet ligjore për të rikthyer ligjshmërinë në administrimin e shërbimit civil, nëpërmjet gjobitjes së nëpunësit përgjegjës për moszbatimin e masës së përcaktuar në dispozitivin e vendimit.
5. Të njoftohet për këtë vendim Drejtoria e Përgjithshme e Doganave Tiranë, Departamenti i Administratës Publike, dhe nëpunësi \*\*\*\*\*\*.

Ky vendim hyn në fuqi menjëherë.

**KOMISIONERI**

**Pranvera Strakosha**